

聖祖仁皇帝御製

九河故道

九河故道漢唐宋諸家之說不一或謂在濟南境內
或謂遠界永平而酈道元謂九河苞淪於海以朕揆
之其九河入海之處在今天津之直沽而九河故道
不出滄景二三百里間也蓋水性就下今南北之水
以天津爲尾間地最窪下雖數千百年中或陵谷變
遷而其高卑大勢南北定位有必不可易者卽以禹
貢之文考之可以斷矣禹貢曰至於大伾北過泇水
至於大陸又北播爲九河疏云大伾屬魏郡黎陽泇

水在信都大陸澤名夫黎陽今之濬縣信都今之深
州大陸澤在今之東鹿界而河間在濬縣深州東鹿
之北故曰又北也又九河旣道疏云平原以北平原
今德州境言德州以上也漢書溝洫志許商云九河
之名有徒駭胡蘇鬲津在成平東光鬲界中此三地
今皆屬河間杜氏通典云鈎盤在景馬頰覆釜在趙
郡景卽景州趙郡今涿易南古所謂燕南趙北也輿
地記云簡河在臨津金史地理志云南皮縣有潔河
太史河傳志所載九河故道之在河間境也又豈不
彰明備著乎則天津爲同爲逆河入海之道無疑矣

河自周定王時已南徙九河故跡亦漸湮廢後人不能深究地勢多穿鑿傳會其指在濟南者旣失之過南其指在永平者又失之過北而鄭康成據緯書謂齊桓公填塞八河以拓疆界其說益滋譌謬耳凡人讀書能正據經文考以古今形勢則諸家之說自有折衷夫河間古郡稱名已久其所以謂之河間者以其在九河之間也顧名思義又可知矣

鄭州水淀記

康熙十八年己未暮春之初朕萬幾有暇行幸鄭州於是惠風拂地淑景浮空節應佳辰時登令月與羣

春蒐於南浦泛舟於河淀庶憑歡心以召和氣萬
物暢茂順陽和而布政三光燭耀賑貧乏以歡農雖
無山林臺閣之趣水村林藪有淳厚之俗沙鷗錦鱗
互相游泳春花野草參差萬狀觀之不足因同侍從
諸臣題詩賦鼓瑤琴俯仰古今飛觴飲晏昔人橫汾
昆明之游皆所以洽上下之情同君臣之樂豈獨流
連光景已哉故記之

鄭州河道

藻密行舟澗灣多轉楫頻帆懸風正處煙火近通津

鄭州雜詩五首

條風鼓櫂動清漪夾岸青青楊柳垂輕轉牙橋觀易
水波光日影映旌旗

其二

桃花歷落李花開綠柳含煙傍水隈鴻雁平沙看不
盡春光曖曖入蓬萊

其三

爲省春耕歷灞澧蠻興頻止勸農功柴門掩處煙村
靜碧水長橋落彩虹

其四

陽氣溫和臨樹久花繁物靜草芊芊莎添嫩色含波

綠柳覆金堤翠幕連

其五

野水瀾漫處處長
方流涵玉動珠光
風移藻荇波痕濶
千點鷺鳬柳一行

水淀雜詩四首

輕舟十里五里垂柳千絲萬絲
忽聽農歌起處滿村紅杏開時

其二

春水船行天上冷
風雨過田家深樹幾聲布穀晚晴

千縷明霞

其三

衙泥雙燕沙際喚雨單鳩樹頭昨夜桃花新水鯉魚
躍入蘭舟

其四

爲愛沙明水遠更看柳顰花新草木禽魚咸若河山
民物同春

河間卽古瀛州地

新霜來朔氣納稼滿西疇省歛因農暇觀風廓遠猷
箕躔分冀野輿地古瀛州駐蹕郊垞外斜陽下堞樓
景州觀開福寺塔

湧塔高凌漢穹隆拱法筵虛鈴含遠籟密宇繞寒煙
不問三車法空勞七寶懸偶過成小憇漫比布金田

晚到河間

太皇太后使人送乳餅食物

綵旂晚駐瀛州道忽報銅龍騎使來心識

慈懷同日照口傳

溫語逐陽回松脂似截盤中玉綺食初和鼎內梅兩月幾虛
甘旨奉歸程欲聽曉鐘催

趙北口水淀作

風微見水綠日暖弄牕妍樹老依根壯心平任物遷

維舟臨草岸揮翰借壺天

此日廟旁借一屋寫字非

是禽魚樂人稠萬戶烟

皇上御製

萬柳堤

佳名萬柳愛長堤馬踏春泥柳正秣幾縷畫情遮過
客一行烟意入新題

隔浦漁歌聞欸乃拍堤桃李漲潺湲那知趙北燕南
際恰似吳頭楚尾間

潤碧征衫絕點埃溪村幾處水縈迴白頭故老相逢
問能到何家愛景臺

趙北口閱水園詩

有序

趙北口水園

皇祖時每於仲春舉行蓋畿南之水皆滙此俾有淀以受之
則不溢而爲災且以習舟行飭武備

意深遠也戊辰二月東巡道經是地輒命水虞修故事觀閱
之餘爰成十韻敢云繼

武敬誌窺

天云爾

蹕路唐興

趙北口別名

便水園一閱之昆明曾陋古

武烈尚貽茲淀水春生際渚禽北鄉時習蒐明鏡裏列陣白

雲涯里革雖懷直

軒轅自有奇止齊咸奉度
增繳不須施潛舍淵而出飛沉空
以垂魚麗偏後伍鴻漸羽爲儀澤以虛能受人知勞
勝嬉

廟謨欽仰處道左樹豐碑

皇祖御製鄭州
水淀記今存

趙北口卽景

紅橋長短接溪川溪上人家不治田
半笠滄浪三月雨一堤楊柳兩湖烟
孳將鷺鴨無官稅捕得魚蝦足
酒錢今日飽餐漁者樂鳴榔春水綠浮船

燕南趙北舊曾聞歷覽眞逢意所欣
苔雪溪山吳苑

畫簫湘烟雨楚天雲漁歌隔浦驚鷗陣客舍開窓數
雁羣方喜湖光滌塵垢何來詩思與平分

獻縣紅杏園

渤海經古邑芳園駐翠輦徘徊尋故蹟云昔日華館
三雍曾著稱五經亦賴顯崇構早傾頽土階新拓展
池臺取畧具琴書供靜遣物力毋亟勞容膝斯已善
河間道中

問風畧先農桑候覽古欣過禮樂邦毛氏詮詩真獨
詣獻王得士本無雙韶開竹店春光靄雪化溪橋野
水淙憶我書齋訂經義幾夕景仰在明窓

咏景州寺塔

紺宇現青蓮瞻遊取路便法雲垂四界花雨散諸天
韶秀春光闕崇隆塔影懸禪房聊靜憩駒隙指三年
登開福寺塔作

浮圖百尺接諸天千里山川近目前寶網穹窿摩鶴
鶴洞窓疎達納風烟龍蟠水府常聽貝雁下花宮自
解禪我志願希三代上那尋殘碣問隋年

駐蹕景州

諭直隸扈駕諸臣

三輔拱皇都首善倡諸路農桑業各勤燕趙風猶素

廻環十郡間循行亦已屢城郭漸苟完黔黎實旣庶
教養誠本圖蓋藏更急務復患奪其食爲之或太遽
利弊率倚伏所宜善施措邇年常偏災溝壑寧無仆
賑恤恩縱逮承宣責應赴所見懷足慰未見意深慮
趨承慢矜能撫字先懷恕

聖祖仁皇帝御書

闡道醇儒 在景州廣川書院康熙四十二年

賜董子祠額景州知州周鉞於古北口

行在獻詩恭請得

頒給懸祠祠後建

聖藻閣恭摹鐫石樹閣下

皇上御書

無量福田 在景州開福寺乾隆十三年三月

頒賜

御碑亭 在景州開福寺側其內恭貯

皇上御製開福寺塔詩石刻

聖祖仁皇帝行宮 在趙北口

皇上行宮 一在趙北口一在獻縣卽漢河間獻王日華

宮遺址明御史王注曾於此築紅杏園別墅其地水

木清華川原明瑟翼

琉璃之玉葉長輝郡國封圻映

鵠鵲於金波永絢山河氣象矣

自古乘輿所至謂之幸言臣民有慶幸也我

國家

聖德遐被四海之遠九州之廣莫不照臨河間近畿封

聖祖仁皇帝法古巡狩常六

幸江南皆經郡地自康熙甲子歲郡生員張鳳翥迎

鑾道側蒙

賜召問至今七十年郡人傳爲榮而任邱趙北口

聖祖每歲

臨幸觀水圍示舟師肄武之意

行殿在焉我

皇上時巡法

祖省方問俗戊辰歲

駕幸山東辛未

丁丑

幸江南

鑾輿往來皆駐河間郡之父老軍吏百姓咸得瞻仰

天顏率舞雲迴呼嵩雷動蠲租給復頒粟賜金

恩膏叠沛以至今蹟先祠高銀榜之新題燁珠編之

睿咏輝映日月燭照山河比韶濩於鏗鏘象昭回於雲漢